

Oraanga Kerititiano e te Angaanga Orometua—Au Manako ke Mai

APERIRA 3-9

Kimi i te Mārama o te Tuatua Mou

(Ieremia 17:9) E pikikaa maata to te ngakau i te au mea katoa nei, e kua kino takiri: koai te kite?

w01 10/15 25 ¶13

E Paruru i to Ngakau

¹³ “E pikikaa maata to te ngakau i te au mea katoa nei, e kua kino takiri,” ta Ieremia i akamatakite mai. (Ieremia 17:9) Ko teiane i tu pikikaa o te ngakau penei ka akakite mai iaia uorai me tuatua kotoe ua tatou no to tatou au tu apa ua, ka akameangiti mai i te au tarevake anga, akameangiti mai i te au apa anga kikino, me kare ka akamaata i te au rave anga. Ka rauka katoa i tetai ngakau kino takiri i te akono i te turanga takirua—nga ngutu maeneene i te tuatuaanga i tetai apinga ke ra. (Salamo 12:2; Maseli 23:7) Mei teaa ra te puapinga e kia tiratiratu tatou ia tatou e akara matatio ra i te apinga e aere maira no te ngakau!

(Ieremia 20:7) Kua akanauru mai koe iaku, e lehova e, e kua vare iora au: ko koe tei ririnui iaku, e ko taau atura tei tupu; kua riro au ei kataanga i te au rā katoa nei, e te aviri maira te tangata katoa iaku nei.

w07 3/15 9 ¶6

Au Manako Maata Mei te Puka a Ieremia

20:7—Na teea mataara a lehova i te ‘taangaanga anga i tona ririnui’ ki runga ia Ieremia e te akanauru anga iaia? No te aro atura i te tu kare e kea atu, te tu ariki kore, e te takinokino i te akakite anga i ta lehova au akavaanga, penei kua manako a Ieremia e kare aia e maroiroi i te rave ua atu rai i te angaanga. Inara, kua taangaanga a lehova i tona ririnui i te takore atu i taua au tu manako ra, na te akamatutu anga ia Ieremia kia angaanga ua atu rai. I reira kua akanauru iora a lehova ia Ieremia na te akamaroiroi anga iaia kia akatupu i ta te peroveta uorai i manako e kare e rauka iaia i te rave.

APERIRA 10-16

Kimi i te Mārama o te Tuatua Mou

(Ieremia 22:30) Te na ko mairā lehova, E tata kotou i teiane tangata, ei anau tama kore, ei tangata kare e manuia i tona ra au rā: kare rava oki tona uanga e manuia, ma te noo ki runga i te terono o Davida, e te tutara akaou anga ki runga ia Iuda.

w07 3/15 10 ¶9

Au Manako Maata Mei te Puka a Ieremia

22:30—Kua takore ainei teia tukuanga tika i to Iesu Karaiti tikaanga kia noo ki runga i te terono o Davida? (Mataio 1:1, 11) Kare. Kua arai taua tukuanga tika ra i tetai ua atu uanga o lehoaikina mei “te noo ki runga i te terono o Davida . . . ia Iuda.” Ka tutara mai a Iesu mei te rangi, kare mei te terono mai i Iuda.

(Ieremia 23:33) E kia ui mai teiane iti-tangata ia koe, e tetai peroveta, e tetai taunga, kia na ko mai e, Eaa te apainga na lehova? e na ko koe ia ratou i reira, Eaa ia apainga? e akaruke atu au ia kotou, te tuatua mairā lehova.

w07 3/15 11 ¶1

Au Manako Maata Mei te Puka a Ieremia

23:33—Eaa ra “te apainga na lehova”? I te tuatau ia Ieremia, kua riro te au akakiteanga pakari ta te peroveta i tuatua no runga i te akapouanga o Ierusalem e apainga na tona enua tangata. I tetai tua, kua riro taua iti tangata taringa turi ra ei apainga na lehova e kua akaruke iora aia ia ratou. Kua riro rai te au karere Tuatua Tapu no runga i te akapouanga o Kerititome, ei apainga na Kerititome, e kua riro rai te au tangata kare e akarongo ana ei apainga teiaa ki te Atua.

APERIRA 17-23

Kimi i te Mārama o te Tuatua Mou

(Ieremia 27:2, 3) Te na ko mairā lehova kiaku, Ka anga koe i tetai ruru, e tetai au zugo, ka momono ei i te reira ki runga i to kaki na. ³ Ka akau atu ei i te reira ki te ariki no Edoma, e te ariki no Moabi, e te ariki o te au tamariki a Amona, e te ariki no Turia, e te ariki no Sidona, i te rima o te au karere i aere mai ki Ierusalem nei, ki te ariki o Iuda, kia Zedekia ra.

jr 27 ¶21

Tavinianga i “te au rā Openga Ra”

²¹ I te akamataanga o to Zedekia tutaraanga, kua tae mai te au karere ki Ierusalem mei te ariki no Edoma, Moabi, Amona, Turia, e Sidona. Penei ko te akakoroanga, kia piri atu a Zedekia kia ratou i te tamaki atu ia Nebukanesa. Inara kua akakite atu a Ieremia kia Zedekia e kia aru aia ki Babulonia. Pera katoa, kua oronga atu a Ieremia i te au zugo ki te au karere ei akaari e ka tavini katoa to ratou iti tangata i to Babulonia. (Iere. 27:1-3, 14) Kare teia i te

karere mataora ki te katoatoa, e kua riro ta Hanania tuatua i te akakino atu ia Ieremia ei vaa tuatua no Iehova. E peroveta pikikaa aia tei akakite ki te au tangata e kua tuatua mai te Atua e ka aatiia te zugo a te ariki o Babulonia. Inara, kua tae mai te tuatua a Iehova kia Ieremia e ka mate te peroveta pikikaa ko Hanania i roto i te mataiti. Kua tupu atura te reira.—Iere. 28:1-3, 16, 17.

(Ieremia 28:11) E kua karanga aturā Hanania ki mua i te aroaro o te tangata katoa ra, na ko atura, Te na ko mairā Iehova, Mei te reira taku aati i te zugo a te ariki o Babulonia, a Nebukanesa ra, i runga i te kaki o te pa enua katoa, i eiane puke mataiti e rua nei. Aere atura taua peroveta rā Ieremia i tona aerenga.

jr 187-188 ¶11-12

“Kare e Tika Iaku Kia Muteki Ua”

¹¹ E mea meitaki kia akamanako e kare a Ieremia i te tangata akatupu pekapeka. Ka taangaanga aia i te tu manako tau me aro atu i te aronga patoi. Kite aia i te tuatau tau no te akaruke. Ei akaraanga, akamanako i tei tupu i rotopu ia raua ko Hanania. Te patoi anga teia peroveta pikikaa i te tuatua totou a Iehova i mua i te au tangata, kua akamārama mai a Ieremia e akapeea e kitea ai tetai peroveta mou tikai. Te apai aere ra a Ieremia i te zugo rakau tei akatutu mai e ka tavini ratou ia Babulonia; Kua rave atura Hanania i taua zugo ra ma te riri e kua aati i te reira. Eaa i reira ta Ieremia i rave? Te karanga ra: “Aere atura taua peroveta ra.” Ae, kua aere ke atu a Ieremia. Muri mai, kua tono a Iehova iaia kia akakite kia Hanania i ta te Atua ka rave—ka riro te ngati Iuda ei tuikaa ki te ariki o Babulonia e ka tamateia a Hanania.—Iere. 28:1-17.

¹² Taka meitaki i reira teia akaraanga no te angaanga tutu aere, ka anoanoia tatou kia akatupu i te tu matakore e te akono tau. Me kare tetai tangata i te kainga e āriki mai i te au akamārama anga Pipiria e kua riri mai ia koe, e ka takinokino mai, kia akaruke maru ra tatou e kia aere atu ki tetai are ke mai. Kare e anoanoia kia raveia tetai tau-māroanga ki tetai tangata no runga i te nuti meitaki o te Patireia. Na te akaari anga i te tu “akakoromaki,” penei ka ariu mai te ngutuare tangata kia tatou a tetai tuatau tau.—*E tataua ia 2 Timoteo 2: 23-25; Mase. 17:14.*

APERIRA 24-30

Kimi i te Mārama o te Tuatua Mou

(Ieremia 29:4) Te na ko mairā Iehova Sabaota ra, te Atua o Iseraela, ki te au tuikaa katoa ra, ki

taku i akaue kia apai tuikaaia ki Babulonia, mei Ierusalem atu nei.

(Ieremia 29:7) E kimi oki kotou i te au no taua oire ra, tei apai tuikaaia kotou e au ra i reira, e e pure kia Iehova i te reira; ko to te reira au, ko to kotou katoa rai ia au.

w96 5/1 11 ¶5

Te Atua e Kaitara

⁵ I etai anere mataiti i muri iora kua akauruia e Iehova a Ieremia koia te peroveta tiratiratu ra kia tuatua atu ki te au ngati Iuda tuikaaia ra kia kauraro ki te aronga tutara i Babulonia ra e kia pure oki no te tu au o taua oire ra. I roto i tana reta kia ratou, kua tata aia: “Te na ko maira Iehova Sabaota ra, te Atua o Iseraela, ki te au tuikaa katoa ra, . . . E kimi oki kotou i te au no taua oire ra, tei apai tuikaaia kotou e au ra i reira, e e pure kia Iehova i te reira; ko to te reira au, ko to kotou katoa rai ia au.” (Ieremia 29:4, 7) I te au tuatau ravarai e tumu to te au tangata o Iehova kia “kimi i te au” no ratou uaorai e te enua te ngai e noo ra ratou, e e rauka’i te tu rangatira no te akamori ra ia Iehova.—1 Petero 3:11.

(Ieremia 29:10) Te na ko maira oki a Iehova, Kia ope nga mataiti e itu ngauru i Babulonia ra, e atoro atu ei au ia kotou, e e akatupu au i taku tuatua meitaki ia kotou i reira, i te akaoki anga mai ia kotou ki teiane ngai.

g 6/12 14 ¶1-2

Te Pipiria—E Puka no te au Totou Tika Tikai, Tuanga 2

Akatupuanga: Mei te mataiti 607 ki te 537 M.T.N., te openga o te 70 mataiti te tuikaaanga, kua tuku mai te Ariki o Peresia ko Kuro i te au ngati Iuda tuikaa kia oki ki to ratou enua e kia patu akaou i te iero i Ierusalem.—Ezera 1:2-4.

Ta te Tuatua Enua i Akakite Mai:

● Kua noo tuikaa ainei te ngati Iseraela i Babulonia no tetai 70 mataiti mei tei akakiteia i roto i te Pipiria? Teia ta Ephraim Stern, e tangata apii apinga taito i Iseraela i tuatua. “Mei te mataiti 604 M.T.N. ki te 538 M.T.N.—kare takiri e akapapuanga e kua nooia te enua e te tangata. I taua tuatau katoa ra, kare okotai oire tei takoreia e to Babulonia i noo akaouia ana.” Kua rotai teia ki te tuatau i akatuikaaia ai te ngati Iseraela i Babulonia mei te mataiti 607 ki te 537 M.T.N.—2 Paraleipomeno 36:20.